



初唐彙詩卷第九

四唐彙詩九

長安
振興
詩話

新都

吳勉學 采輯

江晏如 校次

五言古體

紀遊

春日登陝州城樓俯眺原野迴丹碧綴
煙霞密翠斑紅芳菲花柳即目川岫聊

以命篇

太宗

碧原開霧隰綺嶺峻霞城煙峰高下翠日浪淺

深明斑紅粧葢樹圓青壓溜荆迹巖勞傳想窺
野訪莘情巨川何以濟舟楫佇時英

奉和登陝州城樓應制
許敬宗

挹河澍綠宇御溝映朱宮辰旂翻麗景星葢曳
雕虹學嘖齊柳嫩妍笑發春藜錦鱗文碧浪繡
羽絢青空眷念三階靜遐想二南風

葢一作四

秋日卽事

太宗

爽氣浮丹闕秋光澹紫宮
承碎荷踈影花明菊
點叢袍輕低草露葢側舞松風散岫飄雲葉迷

路飛煙鴻砌冷蘭凋佩闥寒樹殞桐別鶴棲琴
裏離猿啼峽中落野飛星箭弦虛半月弓芳菲
夕霧起暮色滿房櫳

奉和秋日卽事應制

許敬宗

玉露交珠網金風度綺錢昆明秋景淡岐岫落
霞然辭燕歸寒海來鴻出遠天葉動羅帷颺花
映繡衣鮮規空昇闈魄籠野散輕煙鵲度林光
起鳧沒水文圓無機絡秋緯如管奏寒蟬乃睠
情何極宸襟豫有旃

又

上官儀

上苑通平樂神池邇建章樓臺相掩映城闕互
相望緹油泛行幔簫吹轉浮梁晚雲含朔氣斜
照蕩秋光落葉飄蟬影平流寫鴈行槿散凌風
縹荷銷裊露香仙歌臨杵詣玄豫歷長楊歸路
乘明月千門開未央

春日望海

太宗

披襟眺滄海憑軾翫春芳積流橫地紀疏派引
天潢仙氣凝三嶺和風扇八荒拂潮雲布色穿

浪日舒光照岸花分彩迷雲鴈斷行懷卑運深
廣持滿守靈長有形非易測無源詎可量洪濤
經變野翠島屢成桑之杲思漢帝碣石想秦皇
霓裳非本意端拱且圖王

奉和聖製春日望海

楊師道

春山臨渤海征旅輟晨裝迴瞰盧龍塞斜瞻肅
慎鄉洪波迴地軸孤嶼映雲光落日驚濤上浮
天駭浪長仙臺隱螭駕水府汎鼉梁碣石朝煙
滅之杲歸鴈翔北巡非漢后東幸異秦皇舉旗

羽林客跋距少年場龍擊驅遼水鵬飛出帶方
將舉青丘繳安訪白霓裳

龍擊一作電擊

又

許敬宗

韓夷慙奉賚憑險亂天常乃神弘廟略橫海剪
吞航電野清玄菟騰笳振白狼連雲飛巨艦編
石架浮梁周游臨天壑降望極遐荒桃門通山
抃蓬渚降霓裳驚濤含蜃闕駭浪掩晨光青丘
絢春組丹谷耀華桑長驅七萃卒成功百戰場
俄且旋戎路飲至肅巖廊

奉和初春登樓卽目應詔

許敬宗

旭旦臨重壁天眷極中京春暉發芳甸佳氣滿
層城去鳥隨看沒來雲逐望生歌裏非煙颺琴
上凱風清文波浮鏤檻擗景煥雕楹璇璣體寬
政隆棟象端衡創規雖有作凝拱遂無營沐恩
空改鬢將何謝夏成

奉和聖製登蒲州逍遙樓應制

蘇頌

在昔堯舜禹遺塵成典謨聖皇東巡狩况乃經
此都樓觀紛迤邐河山幾縈紆緬懷祖宗業相

繼文武圖尚德既無險觀風諒有孚豈如汾水上簫鼓事遊娛

奉和九日幸臨渭亭登高應制得月字

常元旦

雲物開千里天行乘九月綵言丹鳳池旆轉蒼龍闕灞水歡娛地秦京游俠窟欣承解慍詞聖酒黃花發

又得日字

鄭南金

重陽玉律應萬乘金輿出風起韻虞絃雲開吐

亮日菊花浮聖酒茱萸香挂衰質欲知恩煦多順動觀秋實

又得直字

李咸

重陽乘令序四野開晴色日月數初并乾坤聖登極菊黃迎酒泛松翠凌霜直遊海難爲深負山徒倦力

遊嵩山見黃谷璵談

則天皇后

陪鑾遊柰苑侍賞出蘭闈雲掩攢峰蓋霞低插浪旂日宮疏澗戶月殿啓巖扉金輪轉金地香

閣曳香衣鐸吟輕吹發幡搖薄霧菲昔遇焚芝
火山紅迎野飛花臺無半影蓮塔有全輝寔賴
能仁力攸資善世威慈緣興福緒於此願皈依
風枝不可靜泣血竟何追

黃頰山

王績

別有青谿道斜日碧巖隈崩榛橫古蔓荒石擁
寒苔野心長寂寞山徑本幽迴步步攀藤上朝
朝負藥來幾看松葉秀頰值菊花開無人堪作
伴歲晚獨悠哉

與生公遊石窟山

張九齡

探秘孰云遠忘懷復爾同日尋高深意宛是神
仙中躋險構靈室詭制非人功潛洞黝無底殊
庭忽似夢豈如武安鑿自若茅山通造物良有
寄嬉遊迺愜衷猶希咽玉液從此昇雲空咄咄
共携手冷然且馭風

人日登高

喬侃

僕本多悲者年來不悟春登高一遊目始覺柳
條新杜陵猶識漢桃源不避秦暫若昇雲霧還

似出罨塵賴得煙霞氣淹留攀桂人

九月九日登龍山

張九齡

郡庭常窘束涼野求昭曠楚客凜秋時栢公舊
臺上清明風日好歷落江山望極遠何蕭條中
留坐惆悵東彌夏首濶西拒荆門壯夷險雖異
時古今豈殊狀先賢眇不接故老猶可訪投弔
傷昔人揮斤感前匠自爲本踈散未始忘幽尚
際會非有欲往來是無妄爲邦復多幸去國殊
遷放且汎籬下菊還聆郢中唱灌園亦何爲於

陵乃逃相

和張監遊終南

張說

宿懷終南意及此語雲峰夜聞竹澗靜曉望林
嶺重春煙生古石時鳥戲幽松豈無山中賞但
畏心莫從

和登會稽山

孫逖

稽山碧湖上勢入東溟盡煙景晝清明九峰爭
隱嶙望中厭朱紱俗內探玄牝野老聽鳴騶山
童擁行軫仙花寒未落古蔓柔堪引竹磻入山

多松崖向天近雲從海天去日就江村隕能賦
丘嘗聞和歌參不敏冥搜信冲漠多士期標準
願奉濯纓心長謠反招隱

臨泛東湖

張九齡

郡庭日休暇湖曲邀勝踐樂職在中和靈心挹
上善乘流坐清曠舉目眺悠緬林與西山重雲
因北風卷晶明畫不逮陰影鏡無辨晚秀復芬
敷秋光更遙衍萬族紛可佳一遊豈能展羈孤
忝邦牧顧已非時選梁公世不容長孺心亦褊

永念出籠繫當思追疲蹇歲徂風露嚴日恐蘭
若剪佳辰不可得良會何其鮮罷興還江城閉
關聊自遣

遊洞庭湖湘

張說

緬邈洞庭岫葱蒙水霧色宛在太湖中可望不
可卽剖竹守窮渚開門對奇域城池自繫籠纓
綬爲徽纏靡日不思往經時始願克飛棹越溟
波維舟恣攀陟窈窕入雲步崎嶇倚松息巖壇
有鶴過壁宇無人識滴石香乳溜垂崖靈草植

玩幽輕霧阻討異忘曛逼寒沙際水平霜樹籠
煙直空宮聞莫覩地道窺難測此處學金丹何
人生羽翼誰傳九光要幾拜三仙職紫氣徒想
像清潭長眇默霓裳若有來覲我雲峰側

臨水亭

閻丘均

高館基曾山微羃生花草傍對野村樹下臨車
馬道清朗悟心術幽遐備瞻討迴合峰隱雲聯
縣渚縈島氣似滄洲勝風爲青春好相及盛年
時無令歎衰老

葛山潭

孫逖

圖潭寫流月清明匝萬象仙翁何時還綠水空
蕩漾涼哉草木腓白露沾人衣猶醉空山裏時
聞笙鶴飛

和侍郎遊昆明池

李百藥

神池望不極滄波接遠天儀星似河漢落景類
虞泉年深平館宇道泰偃戈船差池下鳧鴈掩
映生雲煙浪花開已合風文直且連稅馬金堤
外橫舟石岸前羽觴傾綠蟻飛日落紅鮮積水

浮深智明珠曜雅篇大鯨方遠擊沈灰獨未然
知君嘯儔侶短翮徒聯翩

和東觀羣賢七月七日臨泛昆明池

任奉古

秋風始搖落秋水正澄鮮飛眺牽牛渚激賞鏤
鯨川岸珠淪曉魄池灰歛曙煙泛查分寫漢儀
星別構天雲光波處動日影浪中懸驚鴻絳蒲
弋遊鯉入莊筌萍葉疑江上菱花似鏡前長林
代輕幄細草卽芳筵文華開翠瀨筆海控清漣

不挹蘭樽聖空仰桂舟仙

和尹忭秋夜遊滙湖

張說

坐嘯人事閒佳遊野情發山門送落照湖口昇
微月林尋猿狖居水戲黿鼉穴朔風吹飛鴈芳
草亦云歇

石門墨山二山相連有禪堂觀天下絕

境

張說

困輪江上山近在華容縣常涉巴丘首天晴遙
可見佳遊屢前諾芳月愆幽眷及此符守移歡

言臨道便既携賞心客復有送行掾竹徑入陰
窅松崖上空舊草共林一色雲與峰萬變探窺
石門斷緣越沙間轉兩山勢爭雄峰巘相顧眄
藥妙靈仙竇境華巖壑選清都西淵絕金地東
敞宴池果接園畦風煙適臺殿高尋去石頂曠
覽天宇遍千山紛滿目百川豁對面騎來雲氣
迎人去鳥聲戀長揖桃源士舉世同企羨

冬中至玉泉山寺屬窮陰冰閉崖谷無
色及仲春行縣復往焉故有此作

張九齡

靈境信幽絕芳時重暄妍再來及茲勝一遇非
無緣萬木柔可結千花敷欲然松間鳴好鳥竹
下流清泉石壁開精舍金光照法筵真空本自
寂假有聊相宣復此灰心者仍追巢頂禪簡書
雖有畏身世亦相捐

行從方秀川與劉評事文同宿 張說

方秀美盤遊頻年降天旱水共伊川接山將闕
門斷捧日照恩華攀雲引疲散野宿霜入帳孤

衾寒不煖靜聞官漏踈卧視庭月滿開爐命温
酌中夜發清管風送關山長氣適星歲短寓言
情思愜適興真意坦寰中病羈掛方外嫌縱誕
願君樂盛時無嗟帶纒緩

登北邙還望京洛

鄭世翼

步登北邙坂踟蹰聊寫望宛洛盛皇居規模窮
大壯三河分設險兩嶠資巨防飛觀紫煙中層
臺碧雲上青槐夾馳道迢迢脩且曠左右多第
宅參差居將相清晨謁帝返車馬相追訪胥徒

各異流文物紛殊狀躡塵暗天起簫管從風颺
伊余忠且直生平獨淪喪山幽有桂叢何爲坐

惆悵

寫一作屬

遊法華寺

宋之問

薄遊京都日遙羨稽山名分刺江海郡謁來微
素情松露洗心眷象筵敷念誠薄雲界青嶂皎
日騫朱薨苔澗深不測竹房間且清感真六象
見垂兆二鷓鳴古今信靈跡中州莫與京林巘
永棲業豈伊佐一生浮悟雖已久事試去來成

觀念幸相續庶幾最後明

遊靈山寺

劉孝孫

吾王遊勝地驟駕歷祗園臨風畫角憤耀日采
旗翻永懷笏了義寂念啓玄門深谿窮地脉高
嶂接雲根信美諧心賞幽邃且攀援曳裾欣扈
從方悟屏塵誼

遊龍山靜勝寺

張說

每上襄陽樓遙望雲山樹鬱蒨吐岡嶺微蒙在
煙霧下車歲已成飾馬閑餘步苦霜衰野草愛

日揚江煦雲對石上塔風吹松下路禪室宴三
空神祠同六趣兒童共戲詭猿鳥相驚顧南識
相公臺北望先賢墓世上人何在時聞心不住
唯傳無盡燈可使有情悟

紹隆寺

并序

沈佺期

紹隆寺江嶺最奇去驩州城二十五里將北
客畢日遊憩隨例施香回於舟中作

吾從釋迦久無上師涅槃探道三十載得道天
南端非勝適殊方起誼歸理難放棄乃良緣世

慮不曾干香界縈北渚花龕隱南巒危昂階下
石演漾牕中瀾雲蒼看水秀天空見藤盤處俗
勒宴坐居貧業行壇試將有漏軀聊作無生觀
了然究諸品爾覺靜者安

滄湖山寺

張說

楚老遊山寺提携觀畫壁揚袂指辟支睦眄相
鬪闌險哉透撞兒百金賭一擲成敗身自受傍
人那歎息

宿晉安寺

盧照隣

聞有弦歌地穿鑿本多竒遊人試一覽臨翫果
忘疲窓橫暮捲葉簷卧古生枝舊石開紅蘚新
荷覆綠池孤猿稍斷絕宿鳥復參差汎灑月華
曉徘徊星鬢垂今日刪書客悽惶君詎知

宿雲門寺

宋之問

雲門若邪裏泛鷁路纔通夤緣綠篠岍遂得青
蓮宮天香衆壑浦夜梵前山空漾漾潭際月颺
颺杉上風茲焉多嘉遯數子今莫同鳳歸慨處
士鹿化聞仙公樵路鄭州北舉井阿巖東永夜

豈云寐曙華忽惹籠谷鳥轉尚澁源桃驚未紅
再來期春暮當造林端窮庶幾蹤謝客開山投
剡中

赤谷安禪師塔

盧照隣

獨坐巖之曲悠然無俗氛酌酒呈丹桂思詩贈
白雲煙霞朝晚聚猿鳥歲時聞水華競秋色山
翠含夕燠高談十二部細覈五千文如如數冥
昧生生理氛氲古人有糟粕輪扁情未分且當
事芝朮從吾所好云

和崔侍御日用遊開化寺閣 吳少微

左憲多才雄故人尤鷲鸚護贈單于使休軺大
原郭館次厭煩歎清懷尋寂寞西緣十里餘北
上開化閣初入雲樹間冥蒙未昭廓漸出欄楯
外萬里秋景焯歲晏風落山天寒水歸壑覽物
頌幽景三乘動玄鑰但敷利解言永用忘昏着

登東陽沈隱侯八詠樓

崔融

且登西北樓樓峻石墉厚宛生長定 俯壓三
江口非階銜鳥衡交疏過牛斗左右會稽鎮出

人具區藪越巖森其前浙江漫其後此地實東
陽由來山水鄉隱侯有遺詠落簡尚餘芳具物
昔未改斯人今已亡粵余忝藩左東髮事文場
悵不見夫子神期遙相望

秋晚登樓望南江人始興郡路

張九齡

潦收沙衍出霜降天宇晶伏檻一長眺津途多
遠情思來江山外望盡煙雲生滔滔不自辯役
役且何成我來颯衰鬢孰云飄華纓櫪馬苦蹉

跼籠禽念遐征歲陰向晚晚日夕空屏營物生
貴得性身累由近名內顧覺今是追歎何時平

登郡城南樓

張九齡

閉閣幸無事登樓聊永日雲霞千里開洲渚萬
形出澹澹登江漫飛飛度鳥疾邑人半艦艦津
樹多楓橘感別時已屢憑眺情非一遠懷不我
同孤興與誰悉平生本單緒邂逅承優秩謬忝
爲邦寄多慙理人術駑鉛雖自勉倉廩素非實
陳力儻無効謝病從芝朮

陪張燕公登南樓

趙冬曦

寬尉何以歡陰氛亦登望孤島輕霧裏行舟白
波上目熒西北雲心醉東南嶂昔日青谿子胡
然此無狀

早霽南樓

張說

山水佳新霽南樓翫初旭夜來枝半紅雨後洲
全綠四運相終始萬形紛代續適臨青草湖再
變黃鶯曲地穴穿東武江流下西蜀歌聞枉渚
遭舞見長沙促心阻意徒馳神和生自足白髮

悲上春知常謝先欲

心阻意徒馳一作心遠居無陋

奉和張燕公早霽南樓

趙冬曦

方曙躋南樓凭軒肆遐矚物華蕩暄氣春景媚
晴旭川霽湘山孤林芳楚郊縟列巖重疊翠遠
岸逶迤綠風帆摩天垠魚艇散灣曲鴻歸鶴舞
送猿叫鶯聲續羣動皆熙熙噫予獨羈束常欽
才子意思鵬傷蹇跼雅尚騷人文懷沙河迫促
未知二賢意去矣從所欲

一柱觀

張說

舊說江陵觀初疑神化來空山結雲閣綺靡隨
風迴柰何任一柱斯焉容衆材竒功非長世今
餘草露臺

與生公尋幽居處

張九齡

同方久厭俗相與事遐討及此雲山去窅然巖
徑好疑入武陵源如逢漢陰老清諧欣有得幽
閒歛盈抱我本玉階侍偶訪金仙道茲焉求卜
築所過皆神造歲晚林始敷日晏崖方杲不種
緣嶺竹豈植臨潭草卽途可淹留隨日成黼藻

期爲靜者說曾是終焉保今爲簡書畏祗令歸
思浩

冀北春望

崔湜

迴首覽燕趙春生兩河間曠然萬里餘際海不
見山雨歇青林潤煙空綠野閑問鄉何處所目
送白雲還

初到陸渾山莊

宋之問

授衣感窮節策馬凌伊關歸齊逸人趣日覺秋
琴閒寒露衰北阜夕陽破東山浩歌步榛樾棲

鳥隨我還

春湖古意

宋之問

院梅發向尺園鳥復成曲落日遊南湖果擲顏
如玉合情不得語轉盼知所屬惆悵未可歸寧
關須采棗

田家三首

一作王勃詩

王績

阮籍生年懶稽康意氣踈相逢一醉飽獨坐數
行書小池聊養鶴閒田且牧豬草生元亮徑花
暗子雲居倚牀看婦織登壇課兒鋤迴頭尋仙

事併是一空虛

又

家住箕山下門枕潁川濱不知今有漢唯言昔
避秦琴伴前庭月酒勸後園春自得中林士何
忝上皇人

又

平生唯酒樂作性不能無朝朝訪鄉里夜夜遣
人酷家貧留客久不暇道精麤抽簾持益炬拔
簣更燃爐恒聞飲不足何見有殘壺

郡舍南有園畦雜樹聊以永日

張九齡

爲郡久無補越鄉空復深苟能秉素節安用叨
華簪却步園畦裏追吾野逸心形骸拘俗吏光
景賴閑林內訟誠知止外言猶匪忱成蹊謝李
逕衛足感葵陰榮達豈不偉孤生非所任江城
何寂歷秋樹亦蕭森下有北流水上有南飛禽
我願從歸翼無然坐自沈

和同府李丞酒休沐田居

李嶠

列位簪纓序隱居林野躅狗物爽全直棲真昧
均俗若人兼吏隱罕性夷榮辱地藉朱邱基家
在青山足暫弭西園蓋言事東臯粟築室俯澗
濱開扉面巖曲庭幽引夕霧簷迴通晨旭迎秋
谷黍黃含露園葵綠勝情狎蘭杜雅韻鏘金玉
伊我懷丘園願心從所欲

早春魚亭山

薛稷

春氣動百草紛榮時斷續白雲自高妙徘徊空
山曲陽林花已紅寒澗苔未綠伊余息人事蕭

寂無營欲客行雖云遠翫之聊自足

春日行歌

劉希夷

山樹落梅花飛落野人家野人何所有滿甕陽
春酒携酒上春臺行歌伴落梅醉罷卧明月乘
夢遊天台

小園納涼卽事

蘇頌

煩暑避蒸鬱居閑習高明長風自遠來層閣有
餘清散灑納涼氣蕭條遺世情奈何誇大隱終
日繫塵纓

郡宅中齋

宋之問

郡宅枕層嶺春湖繞芳甸雲甍出萬家卧覽皆
已遍漁商汗成雨解邑明若練越俗鏡中行夏
祠雲表見茲都信盤鬱英遠常棲眄王子事黃
老獨樂恣遊行謝公念蒼生同憂感推薦靈越
多秀士運濶無由面神理翳青山風流滿黃卷
揆予謬承獎自昔從纓弁瑤水執仙羈金閨負
時選晨趨博望苑夜直明光殿一朝罷臺閣萬
里遠鄉縣風土足慰心况悅年芳變淮廩佇茲

實沂歌非所羨訟寢歸四明齡頽親九轉微尚
本江海少留豈交戰唯餘後凋色竊比東南箭

晨坐齋中偶而成詠

張九齡

寒露潔秋空遙山紛在矚孤頂乍脩聳微雲復
相續人茲賞地偏鳥亦愛林旭結念憑幽遠撫
躬曷羈束仰霄謝逸翰臨路嗟疲足徂歲方睽
携歸心亟躑躅休閒儻有素豈負南山曲

採藥

王績

野情貪藥餌郊居倦蓬華青龍護道符白犬遊

仙術腰鎌戊巳月負鍾庚辛日時時斷嶂遮往
往孤峰出行披葛仙經坐檢農皇帙龜蛇採二
苓赤白尋雙木地凍根難盡藪枯苗易失從容
肉作名薯蕷膏成質家豐松葉酒器貯參花蜜
且復歸去來刀圭輔衰疾

初唐彙詩卷第九

四唐彙詩九

初唐彙詩卷第十

四唐彙詩十

新都

吳勉學 采輯

江晏如 校次

五言古體

紀時

元日

太宗

高軒暖春色
邃閣媚朝光
彤庭飛綵旆
翠幌曜明璫
恭已臨四極
垂衣馭八荒
霜戟列丹陛
綵竹韻長廊
穆矣薰風茂
康哉帝道昌
繼文遵後

軌循古鑒前王草秀故春色梅豔昔年粧巨川
思欲濟終以寄舟航

奉和元日應制

許敬宗

天正開初節日觀上重輪百靈滋景祚萬玉慶
惟新待旦敷玄造韜旒御紫宸武帳臨光宅文
衛象鈞陳廣庭揚九奏大帛麗三辰發生同化
育播物體陶鈞霜空澄曉氣霞景瑩芳春德輝
覃率土相賀奉還淳

早春桂林殿應詔

上官儀

步輦出披香清歌臨太液曉樹流鶯滿春堤芳
草積風色翻露文雪華上空碧花蝶來未已山
光暖將夕

春日

王績

前旦出園遊林華都未有今朝下堂望池冰開
已久雪避南軒梅風催北庭柳遙呼竈前妾却
報機中婦年光恰恰來滿甕營春酒

避一作被

秋日敕使信體

太宗

嶺銜宵月桂珠穿曉露叢蟬啼覺樹冷螢火不

初唐集詩 卷一
溫風花生圓菊葢荷盡戲魚通晨浦鳴飛鴈夕
渚集栖鴻颯颯高天吹氛澄下熾空

山閣晚秋

太宗

山亭秋色滿巖牖涼風度踈蘭尚染煙殘菊猶
承露古石衣新苔新巢封古樹歷覽情無極咫
尺輪光暮

咫尺一
作只畏

度秋

太宗

夏律昨留灰秋箭今移晷峨嵎岫初出洞庭波
漸起桂白發幽巖菊黃開灞浹運流方可歎含

毫屬微理

奉和山夜臨秋

上官儀

殿帳清炎氣輦道含秋陰淒風移漢筑流水入
虞琴雲飛送斷鴈月上淨踈林滴瀝露枝響空
濛煙壑深

奉和潁川公秋夜

上官儀

沈寥空色遠芸黃淒序變涸浦落遵鴻長飈送
巢燕千秋流夕景萬籟含宵喚峻雉聆金析層
臺切銀箭

初晴落景

太宗

晚霞聊自怡初晴彌可喜日晃百花色風動千
林翠池魚躍不同園鳥聲還異寄言博通者知
予物外志

雨後

李百藥

晚來風景麗晴初物色華薄雲向空盡輕虹逐
望斜後窓臨岸竹前階枕浦沙寂寥無與悟樽
酒論風花

初唐彙詩卷第十

四唐彙詩十

初唐彙詩卷第十一

四唐彙詩十一

新都

吳勉學 采輯

江晏如 校次

五言古體

紀行

幸武功慶善宮

太宗

壽丘惟舊跡艷邑乃前基粵予承累聖懸弧亦
在茲弱齡逢運改提劍鬱匡時指揮八荒定懷
柔萬國夷梯山咸入款駕海亦來思單于陪武

帳日逐衛文槐端辰朝四岳無爲任百司霜節
明秋景輕冰結水湄芸黃遍原隰禾穎積京畿
共樂還鄉宴歡此大風詩

重幸武功

太宗

代馬依朔吹驚禽愁昔叢况茲承眷德懷舊感
深衷積善欣餘慶暢武悅成功垂衣天下治端
拱車書同白水巡前跡丹陵幸舊宮列筵歡故
老高宴聚新豐駐蹕撫田峻迴輿訪牧童瑞氣
縈丹闕祥煙散碧空孤嶼含霜白遙山帶日紅

於焉歡擊筑聊以詠南風

入潼關

太宗

嶠函稱地險襟帶壯兩京霜峰直臨道冰河曲
繞城古木參差影寒猿斷續聲冠蓋往來合風
塵朝夕驚高談先馬度僞曉預雞鳴棄繻懷遠
志封泥負壯情別有真人氣安知名不名

奉和入潼關

許敬宗

曦馭循黃道星陳引翠旗濟潼紆萬乘臨河耀
六師前旌彌陸海後騎發通伊勢踰迴地軸威

盛轉天機是節歲窮紀關樹蕩涼颺仙露含靈
掌瑞鼎照川湄冲襟賞臨睨高詠入京畿

於北平作

太宗

翠野駐戎軒盧龍轉征旆遙山麗如綺長流縈
似帶海氣百重樓巖松千丈蓋茲焉可遊賞何
必襄城外

奉和聖製行次成臯應制 張說

夏氏階隋亂自言河朔雄王師進穀水兵氣臨
山東前掃成臯陣却下洛陽宮義合帝圖起威

加天寓同軒臺百年外虞典一巡中戰龍思王
業倚馬賦神功

奉教追赴九成宮途中口號

李嶠

委質承仙翰祗命遙遙策事偶從梁遊人非背
淮客長驅歷川阜迴眺窮原澤鬱鬱桑柘繁油
油禾黍積雨餘林氣靜日下山光夕未攀叢桂
巖猶倦飄蓬陌行當奉麾蓋慰此勞行役

發營逢雨應詔

一作魏知古詩非

虞世南

豫遊欣勝地皇澤乃先天油雲陰御道膏雨潤
公田隴麥霑逾翠山花濕更然稼穡良所重方
復悅豐年

侍從途中口號應制

閻朝隱

疵賤出山東忠貞任土風因敷河朔藻得奉洛
陽宮一顧侍御史再顧給事中常願粉肌骨特
答造化功

辛丑歲十月上幸長安時扈從出西嶽

作

沈佺期

西鎮何穹崇壯哉信靈造諸嶺皆峻秀中峰特
美好傍見巨掌存勢如石東倒頗聞首陽去開
坼此河道磅礴壓洪源巍峩壯清昊雲泉紛亂
瀑天磴屹橫抱子先呼其龔宮女世不老下有
府君廟歷載傳灑掃皇明應天游十月戒豐鎬
微末忝閑從兼得事蘋藻宿心愛此山意欲拾
靈草陰壑已永閉雲竇絕探討芳月期來過廻
策思方浩

奉使益州至長安發鍾陽驛

盧照隣

躋險方未夷乘春聊騁望落花赴丹谷奔流下
 青嶂歲蕤曉樹滋滉漾春江漲平川看釣侶狹
 逕聞樵唱蝶戲綠苔前鶯歌白雲上耳目多異
 賞風煙有奇狀峻阻將長城高標吞巨舫聯翩
 事羈勒辛苦勞疲恙夕濟幾潺湲晨登每惆悵
 誰念復芻狗山河獨偏喪

奉使嵩山途經緱嶺

宋之問

侵星發洛城城中歌吹聲畢景至緱嶺嶺上煙

霞生草樹饒野意山川多古情大隱德所薄歸
 來可退耕

奉使築朔方六州城率爾而作

李嶠

奉詔受邊服總徒築朔方驅彼犬羊族正此戎
 夏疆子來多悅豫王事寧怠遑三旬無愆期百
 雉鬱相望雄視沙漠垂有截北海陽二庭已頓
 頽五嶺盡來王驅車登崇墉顧眄凌大荒千里
 何蕭條草木自悲涼憑軾訊古今慨焉感興亡

漢障緣河遠秦城入海長顧無廟堂策貽此中
夏殃道隱前業衰運開今化昌制爲百王式舉
合千載防馬牛被路隅鋒鏑銷戰場豈不懷賢
勞所圖在永康王事何爲者稱代陳頌章

再使蜀道

張說

眇眇葭萌道蒼蒼裊斜谷煙壑爭晦深雲山共
重複古來風塵子同眩望鄉目芸閣有儒生輶
車倦馳逐青春客岷嶺白露搖江服歲月鎮羈
孤山川俄反覆魚游戀深水鳥遷戀喬木如何

別親愛坐去文章國蟋蟀鳴戶庭蠨蛸網琴筑
夏日奉使南海在道中作 張九齡

緬然萬里路赫曦三伏時飛走逃深林流爍恐
生疵行李豈無苦而我方自怡肅事誠在公拜
慶遂及私展力慚淺效銜恩感深慈且欲湯火
蹈况無鬼神欺朝發高山阿夕濟長江湄秋瘴
寧我毒夏水胡不夷信知道存者但問心所之
呂梁有出入乃覺非虛詞

使至三姓咽麩

張宣明

昔聞班家子筆硯忽然投一朝撫長劍萬里入
荒陬豈不服艱險只思清國讐山川去何歲霜
露幾逢秋玉塞已遐廓鐵關方阻脩東都日宵
宵西海此悠悠卒使功名建長封萬里侯

岳州行郡竹籬

張說

山郡不溝郭荒居無翳壅愛人忠主利善守閉
爲勇苟非小勤瘁安得期逸寵板築恐土踈蓑
城嫌役重藩柵聊可固筠篁近易奉差池截浦
沙繚繞緣隈壠矗似長雲亘森如高戟聳預絕
豺狼憂知免牛羊恐閭里寬矯步榛藜恣踏躓
始果遊處心終日成閑拱

巡邊在河北作

張說

撫劍空餘勇彎弧遂無力老去事如何據鞍長
歎息故交索將盡後進稀相識獨憐半歿心尚
有寒松直

巡按自灘水南行

張九齡

理棹雖云遠飲冰寧有惜况乃佳山川怡然傲
潭石奇峯岌前轉茂樹隈中積猿鳥聲自呼風

泉氣相激目因詭容逆心與清暉滌紛吾謬執
簡行郡將移檄卽事聊獨歡素懷豈兼適悠悠
詠靡監庶以窮日夕

巡屬縣道中作

張九齡

春令夙所奉駕言遵此行途中却郡掾林下招
村民至邑無紛劇來人但歡迎豈伊念邦政爾
實在時清短才濫符竹弱歲起柴荆再入江村
道永懷山藪情矧逢陽節獻默聽時禽鳴迹與
素心別感從幽思盈流芳日不待夙志蹇無成

知命且何欲所圖惟退耕華簪極身泰衰鬢慙
木榮苟得不可遂吾其謝世嬰

出爲豫章郡途次廬山東巖下

張九齡

茲山鎮何所乃在澄湖陰下有蛟螭伏上與虹
蜺尋靈仙未始曠窟宅何其深雙闕出雲峙三
宮入煙沈攀崖猶昔境杏非舊林想像終古
跡惆悵獨往心紛吾嬰世網數載忝朝簪孤根
自靡託量力況不任多謝周身防常恐橫議侵

豈匪鵝鴻列惕如泉壑臨迨茲刺江郡來此滌
塵襟有趣逢樵客忘懷狎野禽棲閒義未果用
拙歡在今願言答休命歸事丘中琴

西征軍行遇風

崔融

北風卷塵沙左右不相識颯颯吹萬里昏昏同
一色馬煩莫敢進人急未遑食草木春更悲天
景晝相匿夙齡慕忠義雅尚存孤直覽史懷浸
驕讀詩歎孔棘及茲戎旅地忝從書記職兵氣
騰北荒軍聲振西極坐覺威靈遠行看氛祲息

愚臣何以報倚馬申微力

南陽道中作

張九齡

登郢屬歲陰及宛懜所適復聞東漢主遺此南
都迹佳氣藹厥初霸圖紛在昔茲邦稱貴近與
世嘗薰赫遭遇感風雲變衰空草澤不識鄧公
樹猶傳陰后石驅馬歷闔閣荆榛翳阡陌事去
物無象感來心不懌懷古對窮秋興言傷遠客
眇默遵岐路辛勤弊行役雲鴈號相呼林麇走
自索顧憶狗書劍未嘗安枕席豈暇墨突黔空

初唐書詩 卷十一
持遼豕白迷復期非遠歸歟賞農隙

初達驪州

沈佺期

流子一十八命予偏不偶配遠天遂窮到遲日
最後水行儋耳國陸行雕題藪鳧鳧游鬼門骸
骨遺鯨口夜則忍饑卧朝則抱病走搔首向南
荒拭淚看北斗何年赦書來重飲洛陽酒

入衛作

沈佺期

淇上風日好紛紛沿岸多綠芳幸未歇汎濫此
明波采繁憶幽吹理棹想荆歌鬱然懷君子浩

曠將如何

初至崖口

宋之問

崖口衆山斷嶽峯聳天壁氣衝落日紅影入春
潭碧錦續織苔蘚丹青畫松石水禽泛容與巖
花飛的皪微路從此深我來恨于役惆悵情未
已羣峰暗將夕

神龍初廢逐南荒途出榔口北望蘇耽

山

沈佺期

少曾讀仙史知有蘇耽君流望來南國依然會

昔聞泊舟問耆老遙指孤山雲孤山郴郡北不
與衆山羣重崖下縈映嶠嶢上糾紛碧峰泉附
落紅壁樹傍分選地今方爾昇天因可云不才
予竄迹羽化子遺芬將覽成麟鳳旋驚禦鬼文
此中迷出處含思獨氛氲

入廬山仰望瀑布水

張九齡

絕頂有懸泉喧喧出煙杪不知幾時歲但見無
昏曉閃閃青崖落鮮鮮白日皎灑流濕行雲濺
沫驚飛鳥雷吼何噴薄箭馳入窈窕昔聞山下
蒙今乃林巒表物情有詭激坤元曷紛矯默然
置此去變化誰能了

自昌樂郡泝流至白石嶺下行入郴州

沈佺期

茲山界夷夏天險橫寥廓太史漏登探文命限
開鑿北流自南瀉羣峰迴衆壑馳波如電騰激
石似雷落崖畱盤古樹澗蓄神農藥乳竇何淋
漓苔蘚更彩錯娟娟潭裏虹渺渺灘邊鶴歲杪
應流火天高雲霧薄金風吹綠梢玉露洗紅籜

泝舟始興廨登踐桂陽郭匍匐緣修坂穹窿曳
長紆礙林阻往來過堰每前却救艱不遑飯畢
昏無暇泊濯谿寧足懼磴道誰云惡我行湍險
多山水皆不若安能獨見聞書此貽京洛

自湘源至潭州衡山縣

宋之問

浮湘沿迅湍逗浦凝遠眇漸見江勢闊行嗟水
流漫赤岸雜雲霞綠竹緣谿澗向背羣山轉應
接良景晏沓障連夜猿平沙覆陽鴈紛吾望闕
容歸橈速已慣中道方泝洄遲念自茲撰賴欣

衡陽美持以蠲憂患

王師渡漢水經襄陽

李百藥

導漾疏源遠歸海會流長延波接荆夢通望邇
沮漳高岸沈碑影曲漱麗珠光雲昏翠島沒水
廣素濤揚閔川已多歎遐睇幾增傷臨谿猶駐
馬望峴欲沾裳喬木下寒葉亭林落曉霜山公
不可遇誰與訪高陽

下桂江縣黎壁

宋之問

放溜覲前淑連山分上千江回雲壁轉天小霧

夜居書言 卷十一
峰攢吼沫跳急浪合流環峻灘歆雜出漩劃繚
繞避渦盤舟子怯桂水最云斯路難吾生抱忠
信吟嘯自安閒旦別已千歲夜愁勞萬端企予
見夜月委曲破林巒潭曠竹煙盡洲香橘露團
豈傲夙所好對之與俱歡思君罷琴酌泣此夜
漫漫

江上遇疾風

張九齡

疾風江上起鼓怒揚煙埃白晝晦如夕洪濤聲
若雷投林鳥鍛羽入浦魚曝腮瓦飛屋且發帆

快檣已摧不知天地氣何爲此喧豗

入海二首

張說

乘桴入南海海曠不可臨茫茫失方面混混如
凝陰雲山相出沒天地互浮沈萬里無涯際云
何測廣深潮波自盈縮安得會虛心

又

海上三神山逍遙集衆仙靈心豈不同變化無
常全龍伯如人類一釣兩鰲懸金臺此淪沒玉
真時播遷問子勞何事江上泣經年際中生紅

草所美非美然

彭蠡湖上

張九齡

沿涉經大湖湖流多行泐泐晨趨北渚逗浦已
西日所適雖淹曠中流且閑逸瑰詭良復多感
見乃非一廬山直陽許孤石當陰術一水雲際
飛數峯湖心出象類何交糺形言豈深悉且知
皆自然高下無相恤

洞庭湖

宋之問

地盡天水合朝及洞庭湖初日當中涌莫辨東

西隅晶耀日何在滢熒心欲無靈光晏海若游
氣耿天吳張樂軒皇至征苗夏禹徂楚臣悲落
葉堯女泣蒼梧野積九江潤山通五嶽圖風恬
魚自躍雲夕鴈相呼獨此臨泛漾浩將人代殊
永言洗氛濁卒歲爲清娛要使功成退徒勞越
大夫

自洪府舟行直書其事

宋之問

仲春辭國門畏途橫萬里越淮乘楚嶂造江泛
吳汜嚴程無休隙日夜涉風水昔聞垂堂言將

誠千金子問余何奇剝遷竄極炎鄙揆已道德
餘幼聞虛白旨貴身賤外物抗跡遠塵軌朝遊
伊水湄夕卧箕山趾妙年拙自晦皎潔弄文史
謬辱紫泥書揮翰青雲裏事往每增傷寵來常
誓止銘骨懷報稱逆鱗讓金紫安位覺潛構退
耕禍猶起棲巖實吾策觸藩誠內耻濟濟同時
人台庭鳴劔履愚以卑自衛兀坐去沉滓迨茲
理已極竊位申知已羣議負宿心獲戾光華始
黃金忽銷鑠素業坐淪毀浩歎誣平生何獨戀

松梓浦樹浮鬱鬱臯蘭覆靡靡百越去魂斷九
疑望心歿未盡匡臯遊遠欣羅浮美周旋本師
訓佩服無生理異國多靈仙幽探忘年紀敝廬
嵩山下空谷茂蘭芷悠悠南溟遠採掇長已矣

渡漢江

李百藥

東流旣溘溘南紀信滔滔水激沈碑岸波駭弄
珠臯含星映淺石浮蓋下奔濤溜闊霞光近川
長曉氣高檣烏轉輕翼戲鳥落風毛客心旣多
緒長歌且代勞

西陵峽

楊炯

絕壁聳萬仞長波射千里盤薄荆之門滔滔南
國紀楚都昔全盛高丘烜望祀秦兵一旦侵夷
陵火潛起四維不復設關塞良難恃洞庭且忽
焉孟門終已矣自古天地闢流爲峽中水行旅
相贈言風濤無極已及余踐斯地瓌奇信爲美
江山若有靈千載伸知己

巫峽

楊炯

三峽七百里唯言巫峽長重巖宵不極疊嶂凌

蒼蒼絕壁橫天險莓苔爛錦章入夜分明見無
風波浪狂忠信吾所蹈泛舟亦何傷可以涉砥
柱可以浮呂梁美人今何在靈芝徒有芳山空
夜猿嘯征客淚沾裳

廣谿峽

楊炯

廣谿三峽首曠望兼川陸山路遶羊腸江城鎮
魚腹喬林百丈偃飛水千尋瀑驚浪迴高天盤
渦轉深谷漢氏昔云季中原爭逐鹿天下有英
雄襄陽有龍伏常山集軍旅永安興板築池臺

初唐詩集 卷十一
忽已傾邦家遽淪覆庸才若劉禪忠佐爲心腹
設險猶可存當無賈生哭

蜀路二首

張說

雲埃夜澄廓山日曉晴鮮葉落蒼江岸鴻飛白露天
磷磷含水石冪冪覆林煙客心久無緒秋風殊未然

又

徭蜀時未改別家鄉念盈憶昨出門日春風發
鮮榮及茲旋轉地秋風滿路生昏曉思魏闕夢

寐還秦京秦京開朱第魏闕垂紫纓幽獨玄虛
閣不聞人馬聲藝業爲君重名位爲君輕玉琴
知調苦寶鏡照膽清鷹饑常啄腥鳳饑亦待瓊
於君自有屬物外豈能輕

過蜀龍門

沈佺期

龍門非禹鑿詭怪乃天功西南出巴峽不與衆
山同長竇亘五里宛轉復嵌空伏湍响潛石瀑
水生輪風流水無晝夜噴薄龍門中潭河勢不
測藻葩垂彩虹我行當季月煙景共春融江關

勤亦甚巘嶠意難窮誓將息機事煉藥此山東

過蜀道山

張說

我行春三月山中百花开披林入峭嶠攀蹬陟
崔嵬白雲半峰起清江出峽來誰知高深意緬
邈心幽哉

過函谷關

見初學記

楊齊哲

地險峭函北途經分陝東逶迤衆山盡荒涼古
塞空河光流曉日樹影散朝風聖德今無外何
處是關中

早度分水嶺

盧照隣

丁年遊蜀道斑鬢向長安徒費周王粟空彈漢
吏冠馬蹄穿欲盡貂裘敝轉寒層冰橫九折積
石凌七盤重谿既下漱峻峰亦上千隴頭聞戍
鼓嶺外咽飛湍瑟瑟松風急蒼蒼山月團傳語
後來者斯路誠獨難

早發大庾嶺

宋之問

晨躋大庾險驛鞍馳復息霧露晝未開浩途不
可測嶠起華夷界信爲造化力歇鞍問徒旅鄉

關在西北出門怨別家登嶺恨辭國自惟最忠
孝斯罪情所得皇明頗昭洗廷議日紛惑兄弟
遠倫居妻子成異域羽翮傷已毀童幼憐未識
踟躕戀北顧亭午晞霽色春暖陰梅花瘴回陽
鳥翼含沙綠澗聚吻草依林植適蠻悲疾首懷
鞏淚沾臆感謝鵝鷺朝勤修魑魅職生還倘非
遠誓擬酬恩德

早發苦竹館

李嶠

合沓巖嶂深朦朧煙霧曉荒阡下樵客野猿驚

山鳥開門聽潺湲入徑尋窈窕棲巖抱寒木流
螢飛暗篠早霞稍霏霏殘月猶皎皎行看遠星
稀漸覺遊氛少我行撫輅傳兼得傍林沼貪玩
水石奇不知川路渺徒憐野心曠詎測浮年小
方解寵辱情永託累塵表

曉發

賀知章

江臯聞曙鐘輕棹理還舸海潮夜約約川露晨
溶溶始見沙上鳥猶埋雲外峰故鄉杳無際明
發懷朋從

早發成臯望河

劉孝孫

清晨發巖邑車馬走輾轅迴瞰黃河上
倘悅屢飛鳧鴻流導積石驚浪下龍門
仙槎不辨處沈壁想猶存遠近洲渚
出颯沓見鴈喧懷古空延佇歎逝將
何言

曉濟膠川南入密界

蘇頲

飲馬膠川上傍膠南趣密林遙飛鳥
遲雲去晴山出落暉隱桑柘秋原
被花實慘然遊子寒風露將蕭瑟

夜發三泉即事

蘇頲

暗發三泉山窮秋聽騷屑北林夜鳴
雨南望曉成雪祗詠北風涼詎知南
土熱沙谿忽沸渭石道乍明滅宛若
銀磧橫復如瑤臺結指程賦所戀遇
虞不遑歇重續濡莫解懸旌凍猶揭
一奔泥棧楮上覲雲梯設搏頰羸馬
頓迴眸惴人跌憧憧往復還心注思
逾切冉冉年將病力困衰怠竭天彭
信方隅地勢誠斗絕忝曳尚書履叨
兼使臣節京坻有歲饒亭障無邊孽
歸奏丹墀

左騫能俟來哲

晚渡江津

李百藥

寂寂江山晚蒼蒼原野暮秋氣懷易悲長波淼
難泝索索楓葉下離離早鴻度丘壑列夕陰葭
莢凝寒霧日落亭臯遠獨此懷歸慕

晚渡伊水

韋述

悠悠涉伊水伊水清見石是時春向深兩岸草
如積迢遞望洲嶼逶迤巨津陌新樹落疎紅遙
原上深碧回瞻洛陽苑遠有長山隔煙霧猶辨

家風塵已爲客登陟多異趣往來見行役雲起
早已昏鳥飛日將夕光陰逝不借超然慕疇昔
遠遊亦何爲歸來存竹帛

南海亂石山作

杜審言

漲海積稽天羣山高業地相傳稱亂石圖典失
其事懸危悉可驚大小都不類乍將雲島極還
與星河次上聳忽如飛下臨仍欲墜朝暾施丹
紫夜鬼炯青翠穹崇霧雨蓄幽隱靈仙闕萬尋
掛鶴巢千丈垂猿臂昔去景風涉今來姑洗至

觀此得詠歌長時想精異

海上作

宋務光

曠哉潮汐池大哉乾坤力浩浩去無際
云云深不測崩騰歎衆流決滂環中國
鱗介錯殊品氛霞饒詭色天波混莫分
島樹遙難識漢主探靈怪秦王恣遊陟
搜奇大壑東竦望成山北方術徒相誤
蓬萊安可得吾君略仙道至化孚淳默
驚浪晏窮溟飛航通絕域馬韓底厥貢
龍伯脩其職粵我邁休明匪躬期正直
敢輸鷹隼執以

問豺狼忒海路行已殫輜軒未息勞
歌玄月暮旅睇滄浪極魏闕渺雲端
馳心附歸翼

岳州作

張說

夜夢雲闕間從容簪履列朝遊洞庭上
緬望京華絕潦收江未清火退山更熱
重欷視欲醉情滿氣如噎器留魚鱉腥
衣點蚊蚋血髮白思益壯心玄用彌
拙冠劔日苔蘚琴書坐廢撤唯有報恩
字刻意長不滅

湘州作

張九齡

湘流繞南嶽絕目轉青青懷祿未能已瞻途屢
所經煙嶼宜春望林猿莫夜聽永路日多緒孤
舟天復冥浮沒從此去嗟嗟勞我形

北眺春陵

駱賓王

攬轡疲宵邁驅馬倦晨興既出封泥谷還過避
雨陵山明行照上谿宿密雲蒸登高徒欲賦詞
殫獨撫膺

使還都湘東作

張九齡

倉庚昨歸候陽鳥今去時感物遽如此勞生安

可思養真無上格圖進豈前期清節往來苦壯
容離別衰盛明非不遇弱操自云私孤截清川
渚征衣寒露滋風朝津樹落日夕嶺猿悲牽役
而無悔坐愁祗自怡當須報恩已終爾謝塵縉

秋日還京陝西十里作

薛稷

驅車越陝郊北顧臨大河隔河望鄉邑秋風水
增波西登咸陽途日暮憂思多傳巖旣紆鬱首
山亦嗟峨操築無昔老採薇有遺歌客遊節回
換人生能幾何

歸山

劉希夷

歸去嵩山道煙花覆青草草綠山無塵山青楊柳春日暮松聲合空歌思殺人

安輯嶺表事平罷歸

李嶠

雲端想京縣帝鄉如可見天涯望越臺海路幾悠哉六月飛鵬去三年瑞雉來境遙銅柱出山險石門開自我違瀍洛瞻途屢揮霍朝朝寒露多夜夜征衣薄白簡承朝憲朱方撫夷落旣弘天覆廣且諭皇恩博皇恩溢外區憬俗詠來蘇

聲朔臣天子壇場拜老夫絳宮韜將略黃石寢兵符返旆收龍虎空營集鳥鳥日落澄氛靄憑高視衿帶東甌抗於越南斗臨吳會春色繞邊陲飛花出荒外卉服紛如積長川思遊客風生丹桂晚雲起蒼梧夕去軸艤清江歸軒趨紫陌衣裳會百蠻琛賚委重關不學金刀使空持寶劍還

初唐彙詩卷第十一

四唐彙詩十一

初唐彙詩卷第十二

四唐彙詩十二

新安

吳勉學 采輯

江晏如 校次

五言古體

舊蹟

奉和聖製過晉陽宮應制 張說

太原俗尚武高皇初奮庸星軒三晉躔土樂二
堯封北風遂舉鵬西河亦上龍至德起王業繼
明賴人雍六合啓昌期再興廣聖蹤傳呼大駕

來文物如雲從連營火百里縱觀人千重翠華
渡汾水白日臨翠峯粉榆恩賞洽桑梓舊情恭
往運感不追清時惜難逢詩發尊祖心頌刊盛
典容願君及春事迴輿綏萬邦

又

蘇頌

隋運與天絕生靈厭氛昏聖期在寧亂士馬興
太原立極萬邦推登庸四海尊慶膺神武帝業
付皇曾孫緬慕封唐道追惟歸沛竟詔書感先
義典禮巡舊藩高殿綵雲合春旗祥風翻率西

見汾水奔北空塞垣欵曲童兒佐依遲故老言
里頒慈惠賞家受復除恩下輦崇三教建碑當
九門孝思敦至美億載奉開元

又

張九齡

隋季失天策萬方罹凶殘皇祖稱義旗三靈皆
獲安聖期將申錫王業成艱難盜移未改命曆
在終履端彼汾惟帝鄉雄都信鬱盤一月朔巡
狩羣后陪清鑾霸迹在沛庭舊儀覩漢官唐風
思何深舜典敷更寬家蒙粉榆復邑爭牛酒歡

初唐書言 卷二
緬惟翦商後豈獨微禹歎三后既在天萬年斯
不刊尊祖實我皇天文皆仰觀

奉和聖製行次成臯途經先聖擒建德
之所感而成詩應制

蘇頌

漢東不執象河朔方鬪龍夏滅漸寧亂唐興終
奮庸皇威正赫赫兵氣何匆匆用武三川震歸
淳六代釀成臯覩王業天下致人雍卽此巡于
岱曾孫受命封

又

張九齡

天命誠有集王業初惟艱翦商自文祖夷項在
茲山地識斬蛇處河臨飲馬間威加昔運往澤
流今聖還尊祖頌先列賡歌安用攀紹成卽我
后封岱出天關

北使長城

王無競

秦世築長城長城無極已暴兵四十萬興工九
千里死人如亂麻白骨相撐委殫弊未云悟窮
毒豈知止胡塵未北滅楚兵遽東起六國復囂
囂兩龍鬪鬻鬻卯金竟握讖反壁俄淪祀仁義

寢邦國徂暴行終始一至咸陽宮翻爲漢朝市

過漢故城

吳少微

大漢昔未定強秦猶擅場中原逐鹿罷高祖鬱
龍驤經始謀帝座茲焉壯未央規模窮棟宇表
裏浚城隍羣后崇長樂中朝憎建章勾陳被蘭
綺樂府奏芝房翡翠明珠帳鴛鴦白玉堂清晨
寶鼎食閒夜鬱金香天馬來東道佳人傾北方
何其赫隆盛自謂寶靈長歷數有時盡哀平嗟
不昌冰堅成巨猾火德遂頽綱奧位匪虛校貪

天竟速亡竟神吁社稷豹虎鬪巖廊金狄移灞
岸銅盤向洛陽君王無處所年代幾荒涼宮闕
誰家城蕪蕪冒我裳井田唯有草海水變爲桑
昔在高門內于今岐路傍餘基不可識古墓列
成行狐兔驚翹翹鴟鳥嚇猖狂空城寒日晚平
野暮雲黃烈烈樊青棘蕭蕭吹白楊千秋并萬
歲空使詠歌傷

郢城懷古

李百藥

客心悲暮序登墉瞰平陸林澤宵芊綿山川鬱

重復王公資設險名都拒江隩方城次北門溟
海窮南服長策挫吳豕雄圖競周鹿萬乘重沮
漳九鼎輕伊穀大蒐雲夢掩壯觀章華築人世
更盛衰吉凶良倚伏遽見鄰交斷仍覩賢臣逐
南風忽不競西師日侵蹙運圯屬驅馳時屯恣
敲朴莫救夷陵火無復秦庭哭鄢郢遂丘墟風
塵俄慘黷狐兔時遊踐霜露日沾沐釣渚故池
平袖臺層宇覆陣雲埋夏首窮陰慘荒谷悵矣
舟壑遷悲哉年祀倏雖異三春望終傷千里目

蜀城懷古

劉希夷

蜀土遶水竹吳天積風霜窮覽通表裏氣色何
蒼蒼舊國有年代青樓思艷妝古人無歲月白
骨冥丘荒寂歷彈琴地幽流讀書堂玄龜埋卜
室彩鳳滅詞場陣圖一一在栢樹雙雙行鬼神
清漢廟鳥雀參秦倉歎世已多感懷心益自傷
賴蒙靈丘境時當明月光

巫山懷古

劉希夷

巫山幽陰地神女艷陽年襄王伺容色落日望

悠然歸來高唐夜金缸焰青煙頽想卧瑤席夢
竟何翩翩搖落殊未已榮華倏徂遷愁思瀟湘
浦悲涼雲夢田猿啼秋風夜鴈飛明月天巴歌
不可聽聽此益潺湲

洛川懷古

劉希夷

萋萋春草綠悲歌牧征馬行見白頭翁坐泣青
竹下感歎前問之贈予辛苦詞歲月移今古山
河更盛衰晉家都洛濱朝廷多近臣詞賦歸潘
岳繁華稱季倫梓澤春草菲河陽亂華飛綠珠

不可奪白首同所歸高樓條冥滅茂林久摧折
昔時歌舞臺今成狐兔穴人事互消亡世路多
悲傷北印是吾宅東岳爲我鄉君看北印道彌
骸榮蔓草芳闕碑坐或半

秋晚登古城

李百藥

日落征途遠悵然臨古城積墉寒雀集荒堞晚
鳥驚蕭森灌木上迢遞孤煙生霞景煥餘照露
氣澄晚清秋風轉搖落此志安可平

薊丘覽古贈盧居士藏用七首

并序

陳子昂

丁酉歲吾北征出自薊門歷觀燕之舊都其
城池霸業迹已蕪昧矣乃慨然仰歎憶昔樂
生鄒子羣賢之遊盛矣因登薊丘作七詩以
志之寄終南盧居士亦有軒轅之遺迹也

軒轅臺

北登薊丘望求古軒轅臺應龍已不見牧馬空
黃埃尚想廣成子遺迹白雲隈

燕昭王

南登碣石坂遙望黃金臺丘陵盡喬木昭王安
在哉霸圖悵已矣驅馬復歸來

燕太子

秦王日無道太子怨亦深一聞田光義七首贈
千金其事雖不立千載為傷心

鄒子

大運淪三代天人罕有窺鄒子何寥廓謾說九
瀛垂興亡已千載今也則無推

郭隗

逢時獨爲貴歷代非無才隗君亦何幸遂起黃
金臺

樂生

王道已淪昧戰國競貪兵樂生何感激仗義下
齊城雄圖竟中天遺歎寄阿衡

田光先生

自古皆有歿狗義良獨稀柰何燕太子尚使田
生疑伏劍誠已矣感我涕沾衣

登古陽雲臺

張九齡

庭樹日衰颯風霜未云已駕言遣憂思乘興求
相似楚國茲故都蘭臺有餘址傳聞襄王世仍
立巫山祀方此全盛時豈無嬋娟子色荒神女
至竟蕩宮觀啓蔓草今如積朝雲爲誰起

徵君宅

許景先

徵君昔嘉遯抗迹遺俗塵了心悟有物乘化遊
無垠道喪歷千載復存潁陽真上虞佳山水晚
歲耽隱淪內史旣解綬支公亦相親儒道匪遠

理意勝聊自欣
洄沿南谿夕
流浪東山春
石壁踐丹景
金潭冒綠蘋
探鍊備海嶠
賞心寓情人
柰何靈仙骨
鍛翮瑤池津
寥寥虛白羽
夙荆招提因
家風緬多尚
玄德謝無鄰
謬陪金門彥
矯跡侍紫宸
皇恩竟已矣
遺烈庶不泯

過嚴君平古井

初學記作鄭翼

鄭世翼

嚴平本高尚
遠蹈古人風
賣卜成都市
流名大漢中
舊井改人世
寒泉久不通
年多既罷汲
無禽乃遂空
如何屬秋氣
唯見落雙桐

古泉驛

於陵仲子宅也

張說

昔聞陳仲子
守義辭三公
身賃妻織屨
樂亦在其中
豈無窮賤苦
羞與傾巧同
長白臨河上
於陵入濟東
我行吊遺跡
感歎古泉空
奉和聖製謁玄元皇帝廟齋

張九齡

興運昔有感
建祠北山巔
雲雷初締構
日月今悠然
紫氣尚翳鬱
玄元如在焉
迨茲事追遠
輪奐復增鮮
洞府香林處
齋壇清漢邊
吾君乃尊

祖夙駕此留連樂動人神會鐘成律度圓笙歌
下鸞鶴芝朮萃靈仙曾是福黎庶豈唯味虛玄
賡歌徒有作微薄謝昭宣

謁漢高廟

李百藥

纂堯靈命啓滅楚餘閏終飛名膺帝錄沈迹韞
神功瑞氣朝浮碭祥符夜告豐抑揚駕人傑叱
咤掩時雄締構三靈改經綸五緯同干戈革宇
內聲教盡寰中運謝年逾遠魂歸道未窮樹碑
留故邑抗殿表祠宮沐蘭祈泗上謁帝動深衷

英威肅如在文物杳成空竹皮聚寒徑粉社落
霜叢蕭瑟陰雲晚長川起大風

謁漢世祖廟

劉希夷

春陵氣初發漸臺首未傳列營百萬衆持國十
八年運開朱旗後道合赤符先宛城劔鳴匣昆
陽鏑應弦獷獸血塗地巨人聲沸天長驅過北
趙短兵出南燕太守迎門外王郎歿道邊昇壇
九城陌端拱千秋年朝廷方雀躍劔珮幾聯翩
至德刑四海神儀翳九泉宗子行舊邑恭聞清

廟篇君容穆而聖臣像儼猶賢攢木承危柱踈
蘿挂朽椽祠庭巢鳥啄祭器網蟲緣懷古江山
在惟新曆數遷空餘今夜月長似舊時懸

登葉縣故城謁沈諸梁廟 李百藥

總轡臨秋原登城望寒日煙霞共掩映林野俱
蕭瑟楚塞鬱不窮吳山高漸出客行殊未已沐
澡期終吉椒桂奠芳樽風雲下虛室館宇肅而
靜神心康且逸伊我非真龍勿驚疲朽質

嚴陵廟

洪子輿

漢主召子陵歸宿洛陽殿客星今安在隱迹猶
可見水石空潺湲松篁尚葱蒨岸深翠陰合川
迴白雲徧幽徑滋蕪沒荒祠暮霜霰垂釣想遺
芳掇蘋羞野薦高風激終古語理忘榮賤方念
道可尊山林情不變

汾陰后土祠作

李適

昔予讀舊史徧覩漢世君武皇實稽古建茲百
代勳號令垂懋典舊經備闕文南巡歷九嶷舳
艫被江濱勒兵十八萬旌旗何紛紛謁來茂陵

下英聲不復聞我行歲方晏極望山河分神光
終冥漠鼎氣獨氛氲攬涕步睚上登高見彼汾
雄圖今安在飛飛有白雲

登樂遊原廟懷古

豆盧田

緬惟漢宣帝初謂皇曾孫雖在襁褓中亦遭巫
蠱寃至哉丙廷尉感激義彌敦馳逐蓮勺道出
入諸陵門一朝風雲會竟登天位尊握符昇寶
曆負辰御華軒赫奕文物備葳蕤休瑞繁卒爲
中興主垂名於後昆雄圖奄已謝餘址空復存

昔爲樂遊苑今爲狐兔園朝見牧豎集夕聞棲
鳥喧蕭條灞亭岸寂寞杜陵原羃歷野煙起蒼
茫嵐氣昏二曜屢迴薄四時更涼溫天道尚如
此人理安可論

比干墓

徐彥伯

大位天下寶維賢國之鎮殷道微而在受辛纂
頽胤山鳴鬼又哭地裂川亦震媒黷皆佞諛虔
劉盡英雋孤卿帝叔父特進貞而順玉牀逾皜
潔銅柱方歆歆奉國歷三朝竅竅明一瞬季代

徇狂主蓄怒提白刃之子彌忠儻憤然更勇進
撫膺誓隕越知歿故不恡已矣竟剖心哲婦亦
同殉驪龍暴雙骨太嶽摧孤仞周發次商郊寃
骸悲莫殪鋒劔勦遺孽報復一何迅駐罕歌淑
靈命徒封旅觀自爾銜幽酷于嗟流景駿丘墳
被宿莽壇祀緣飛燐貞觀戒北征維皇念忠信
荒墳護草木刻楠吹煨燼代遠恩更崇身頽名
益振帝詞書藥石國饌羅芳鮮偉哉烈士圖奇
英千古徇

懷王墓

張說

伊嚶不可信以此敗懷王客歿堯關路返葬岐
江陽啼狄抱山月饑狐獵野霜一聞懷沙事千
載盡悲涼

登九里臺是樊姬墓

張說

楚國所以霸樊姬有力焉不懷沈尹祿誰進叔
敖賢萬化茫無在孤墳獨歸然北分陽臺陌南
識郢城阡漠漠渚宮樹蒼蒼雲夢田登高形勝
出訪古今名傳自我來符守因君樹蕙荃詩書

將變俗締續忽彌年志闡三折後愁值二毛前
佇立帝京路遙心寄此篇

過漢南城歎古墳

張說

舊國多陵墓荒涼無歲年
洶湧蔽平岡汨若波濤連
上世千金子潛卧九重泉
松柏剪無餘碑記滅罔傳
葬於不毛地咸謂楚先賢
事盡情可識使人心悵然

郢城西北有大古塚數十觀其封域多是楚時諸王而年代久遠不復可識唯

直西有樊妃塚因後人爲植松柏故行路盡知之

張九齡

蘋藻生南澗蕙蘭秀中林嘉名有所在芳氣無
幽深楚子初逞志樊妃嘗獻箴能令更擇士非
直罷從禽舊國皆湮滅先王亦莫尋唯傳賢媛
隴猶結後人心牢落山川意蕭疎松柏陰破墻
時直上荒徑或斜侵惠問終不絕風流獨至今
千春思窈窕黃鳥復哀音

和黃門盧監望秦始皇陵 張九齡

秦帝始求仙驪山何遽卜中年既無効茲地所
宜復徒役如雷奔珍怪亦雲蓄黔首無寄命赭
衣相追逐人怨神亦怒身歿宗遂覆土崩失天
下龍鬪入函谷國爲項籍屠君同華元戮始掘
旣由楚終焚乃因牧上宰議揚賢中阿感恒速
一聞過秦論載懷空杼軸

河上公

張說

尊師厭塵去精魄知何明形氣不復生弟子空
傷情濟北神如在淮南藥未成兵期終莫遂寥

落雨無成

息夫人

宋之問

可憐楚破息腸斷息夫人仍爲泉下骨不作楚
王嬪楚王寵莫盛息君情更親情親怨生別一
朝俱殺身

阮公體

徐晶

秦王按劍怒發卒戍龍沙雄圖尚未畢海內已
紛拏黃塵暗天起白日斂精華唯見長城外僵
屍如亂麻

過舊宅

太宗

金輿巡白水玉輦駐新豐
組落藤披架花殘菊
破叢葉鋪荒草蔓流竭半池空
紉珮蘭凋徑舒
圭葉剪桐昔地一番內
今宅九圍中
架海波澄
鏡韜戈器反農八表文同軌
無勞歌大風

奉和過舊宅應制

許敬宗

飛雲臨紫極出震表青光
自爾家寰海今茲返
帝鄉情深感代國樂甚讌
譙方白水浮佳氣黃
星聚太常岐鳳鳴層閣
艷雀賀雕梁
往山猶總

翠蘅薄尚流芳攀鱗有遺皓
沐德并稱觴

又

上官儀

石關清晚夏璇輿御早秋
神麾颺珠雨仙吹響
飛流沛水祥雲泛宛郊
瑞氣浮大風迎漢筑
藁煙入舜球翠梧臨鳳邸
滋蘭帶鶴舟偃伯歌玄
化扈蹕頌王遊遺簪謬昭
獎珥筆荷恩休

經破薛舉戰地

太宗

昔年懷壯氣提戈初
仗節心隨朗日高
志與秋霜潔移鋒驚
電起轉戰長河決
管碎落星沈陣

卷橫雲裂一揮氛沴靜再舉鯨鯢滅於茲俯舊
原屬目駐華軒沈沙無故迹滅竈有殘痕浪霞
穿水淨峰霧抱蓮昏世途亟流易人事殊今昔
長想眺前蹤撫躬聊自適

奉和行經破薛舉戰地應制

許敬宗

混元分大象長策挫脩鯨於斯建宸極由此創
鴻名一戎乾宇泰千祀德流清垂衣凝庶績端
拱鑄羣生復整瑤池駕還臨官渡管周游尋曩

跡曠望動天情帷宮面丹浦帳殿矚宛城虜場
棲九穗前歌被六英戰地甘泉涌陣處景雲生
普天沾凱澤相携欣頌平

登歷下古城員外孫新亭

吾宗固神秀體物寫謀長形制開古跡曾冰延
樂方太山雄地理巨壑眇雲莊高興汨煩促永
懷清典常含引知四大出入見三光負郭喜秔
稻安時歌吉祥

驪山下逍遙公舊居遊集

韋嗣立封
爲逍遙公

張九齡

君子體清尚歸處有兼資雖然經濟日無忘幽
棲時卜居舊何所休澣嘗來茲岑寂罕人至幽
深獲我思松澗聆遺風蘭林覽餘滋往事誠已
矣道存猶可追遺子後黃金作歌先紫芝明德
有自來奕世皆秉彝豈與磻谿老崛起周太師
我心希碩人逮此問元龜怡悵既懷遠沈吟亦
省私已云寵祿過况在華髮衰軒蓋有迷復丘
壑無磷緇感物重所懷何但止足斯

至尉氏

張說

夕次阮公臺嘯歌臨爽塏高名安足賴故物今
皆改吾兄昔茲邑遺愛稱賢宰桑中雉未飛屋
上烏猶在途逢舊吏城有同寮家望塵遠見
迎拂館來欣待慈惠畱千室友于存四海始知
魯衛間優劣相懸倍

奉和姚令公溫湯舊館永懷故人盧公
之作
蘇頲

樹德豈孤邁降神良並出偉茲廊廟楨調彼鹽

初唐彙詩 卷十三
梅實正悅虞垂舉翻悲鄭僑卒同心不可忘交
臂何爲失清路荷前幸明時稱右弼曾聯野外
迷尚記帷中密新慟情莫遣舊遊詞更述空令
屬和長感歎知音日

初唐彙詩卷第十三

四唐彙詩十三

新都 吳勉學 采輯

江晏如 校次

五言古體

感述

帝京篇十首

并序

太宗

余以萬機之暇游息藝文觀列代之皇王考
當時之行事軒昊舜禹之上信無間然矣至
於秦皇周穆漢武魏明峻宇雕墻窮侈極麗

征稅殫於宇宙轍跡徧於天下九域無以稱
其求江海不能贍其欲覆亡顛沛不亦宜乎
余追蹤百王之末馳心千載之下慷慨懷古
想彼哲人庶以堯舜之風蕩秦漢之弊用咸
英之曲變爛漫之音求之人情不爲難矣故
觀文教於六經閱武經於七德臺榭取其避
燥濕金石尚其諧神人皆節之於中和不係
之於淫放故溝洫可悅何必江海之濱乎麟
閣可翫何必雨陵之間乎忠良可接何必海

上神仙乎豐鎬可遊何必瑤池之上乎釋實
求華以人從欲亂於大道君子耻之故述帝
京篇以明雅志云爾

秦川雄帝宅函谷壯皇居綺殿千尋起離宮百
雉餘連薨遙接漢飛閣迴凌虛雲日隱層闕風
煙出綺疏

又

巖廊罷機務崇文聊駐輦玉匣啓龍圖金繩披
鳳篆韋編斷仍續縹帙舒還卷對此乃淹留欵

案觀墳典

又

移步出詞林停輿欣武宴
瑀弓寫明月駿馬疑
流電驚鴈落虛弦
啼猿悲急箭閱賞誠多美
於茲乃忘倦

又

鳴笳臨樂館眺聽歡芳節
急管韻朱絃清歌凝
白雪彩鳳肅來儀
玄鶴紛成列去茲鄭衛聲
雅音方可悅

又

芳辰追逸趣禁苑信多奇
橋影通漢上峰勢接
雲危煙霞交隱映
花鳥自參差何如肆轍跡
萬里賞瑤池

又

飛蓋去芳園蘭橈遊翠渚
萍間日彩亂荷處香
風舉桂楫滿中川
弦歌振長嶼豈必汾河曲
方為歡宴所

又

落日雙闕昏迴輿九重暮長煙散初碧皎月澄
輕素寒幌翫琴書開軒引雲霧斜漢耿層閣清
風搖玉樹

又

歡樂難再逢芳辰良可惜玉酒泛雲壘蘭肴陳
綺席千鍾合堯禹百獸諧金石得志重寸陰忘
懷輕尺璧

又

建章歡賞夕二八盡妖妍羅綺昭陽殿芬芳璫

瑁筵珮移星正動扇掩月初圓無勞上玄圃卽
此對神仙

又

以茲遊觀極悠然獨長想披卷覽前蹤撫躬尋
既往望古茅茨約瞻今蘭殿廣人道惡高危虛
心戒盈蕩奉天竭誠敬臨民思惠養納善察忠
諫明科慎刑賞六五誠難繼四三非易仰庶待
淳化敷方嗣云亭響

登三臺言志

太宗

未央初壯漢阿房昔侈秦在危猶騁麗居奢遂
役人豈如家四海日宇罄朝倫扇天裁戶舊砌
地剪基新引月擎宵桂飄雲逼曙鱗露除光炫
玉霜闕映雕銀舞接花梁燕歌迎鳥路塵鏡池
波太液莊死麗宜春作異甘泉日停非路寢辰
念勞慙逸已居曠返勞神所欣成大厦宏材佇
渭濱

奉和聖製登三臺言志應制

許敬宗

中天表雲榭載極聳崑樓聖作規玄造軒阿復
聿脩高門符令節形勝總神州企翼搏禽萃飛
甍燕雀遊綴星羅百拱緣漢轉三休旦雲生玉
鳥初月上銀鈎妙管含秦鳳仙姿麗斗牛形言
防處逸粹藻發嘉猷荷生無以謝盡瘁竟何酬
初春登樓卽目觀作述懷 太宗

憑軒俯蘭閣眺矚散靈襟綺峰含翠霧照日蒞
紅林鏤丹霞錦岫殘素雪斑岑拂浪隄垂柳嬌
花鳥續吟連薨豈一拱衆榦如千尋明非獨材

力終藉棟梁深彌懷矜樂志更懼戒盈心愧制
勞居逸方規十產金

秋暮言志

太宗

朝光浮燒野霜華淨碧空結浪冰初鏡在逕菊
方叢約嶺煙深翠分旗霞散紅抽思滋泉側飛
想傳巖中已獲千箱慶何以繼薰風

奉和秋暮言志應制

許敬宗

秋深桂初發寒牕菊餘菲波擁羣鳥至秋飄朔
鴈歸月莢生還落雲枝似復非凝宸閱栖畝觀

文佇少微聖敬韜前哲先天諒不違

述懷

紀事題出關作一作宋之問非

魏徵

中原初逐鹿投筆事戎軒縱橫計不就慷慨志
猶存仗策謁天子驅馬出關門請纓繫南粵憑
軾下東藩鬱紆陟高岫出沒望平原古木鳴寒
鳥空山啼夜猿旣傷千里目還驚九折魂豈不
憚艱險深懷國士恩季布無二諾侯嬴重一言
人生感意氣功名誰復論

暮秋言懷

一作宋之問詩非

魏徵

首夏別京輔杪秋滯三河沈沈蓬萊閣日夕鄉
思多霜剪涼地蕙風捎幽渚荷歲芳坐淪歌感
此式微歌

敘懷二首

張九齡

弱歲讀羣史抗迹追古人被褐有懷玉佩印從
負薪志合豈兄弟道行無賤貧孤根亦何賴感
激此爲鄰

又

晚節從卑秩岐路良非一旣聞持兩端復見挾

三術木瓜誠有報玉楮論無實已矣直躬者平
生壯圖失去去勿重陳歸來茹芝木

途中述懷

李百藥

伯喈遷塞北亭伯之遼東伊余何爲客獨守雲
臺中途遙日已暮時泰道斯窮拔心悲岸草半
歿落巖桐目送衡陽鴈情傷江上楓福兮良所
伏今也信難通丈夫自有志寧傷官不公

山中敘志

王績

物外知何事山中何所有風鳴靜夜琴月照芳

初唐詩集 卷三
春酒直置百年內誰論千載後張奉媯賢妻老
萊藉嘉偶孟光儻未嫁梁鴻正須婦

和左僕射燕公春日端居述懷

任希古

豐野光三傑媯庭贊五臣綈絀歌美譽絲竹詠
芳塵聖曆開環象昌年降甫申高門非捨築華
構豈垂綸鳳邸搏霄翰龍池躍海鱗玉鼎昇黃
閣金章謁紫宸禮闈通政本文昌總國均調風
振薄俗清教敘彝倫星迴應緹管日御警寅賓

葉上曾槐變花發小堂春思挂東都冕言訪北
山巾赫赫容臺上千祀耀平津

歲初巡屬縣登高安南樓言懷

張九齡

山城本孤峻憑高結層軒江氣偏宜早林英粲
已繁餘滋含宿霽衆妍在朝暎拂衣釋簿領伏
檻遺紛喧深俯東谿澳遠延南山樊歸雲納前
嶺去鳥投遙村目盡有餘意心惻不可諉竭來
彭蠡澤載經敷淺原春及但生思時哉無與言

不才叨過舉唯力酬明恩美化猶寂蔑迅節徒
飛奔雖無成立効庶以去思論行復狗狐迹亦
云吾道存

景雲二年余自門下平章事削階授江
州員外司馬尋拜襄州刺史春日起襄

陽途中言志

崔湜

余本燕趙人秉心愚且直羣籍備所見孤忠每
自飭狗祿期代耕受任亦量力幸逢休明時朝
野兩薦推一朝趨金門十載奉瑤墀入掌遷固

筆出參枚馬詞吏部旣三踐中書亦五暮進無
負鼎說退慙補袞詩常恐嬰悔吝不得少酬私
嗷嗷路傍子納詢紛無已上動明主疑下貽大
臣耻毫髮顧無累冰壺邈自持天道何期平幽
寃終見明始佐廬陵郡尋牧襄陽城彤幃荷新
寵朱黻蒙舊榮力薄慚任重恩深知命輕飭徒
留前路行子悲且慕猶聞長樂鐘尚辨青門樹
慈親不忍訣昆弟默相顧去去勿重陳川長日
云暮

和唐書詩 卷三
忝官二十年盡在內職及爲郡嘗積戀
因賦詩焉
張九齡

江流去朝宗晝夜茲不舍仲尼在川上子牟存
闕下聖達有由然孰是無心者一郡苟能化百
城豈云寡愛禮誰爲羊戀主吾猶馬感初時不
載思奮翼無假閑宇嘗自閉沈心何用寫攬衣
步前庭登陴臨曠野白水生迢遞清風寄瀟灑
願言采芳澤終朝不盈把

在郡秋懷二首

張九齡

秋風入前林蕭颺鳴高枝寂寞遊子思寤歎何
人知宦成名不立志存歲已馳五十而無聞古
人深所疵平生去外飾直道如不羈未得操割
効忽復寒暑移物情自古然身退毀亦隨悠悠
滄海渚望望白雲涯露下霜已降澤中草離披
蘭艾若不分安用馨香爲

又

庭蕪生白露歲候感遐心策蹇慙遠途巢枝思
故林小人恐致寇終日如臨深魚鳥好自逸池

初唐書評 卷三
籠安所欽挂冠東都門採薇南山岑議道誠愧
昔攬分還愜今憮然憂成老空爾白頭吟

荊州作二首

張九齡

先達志其大求意不約文士伸在知己已况仕
於君微誠夙所尚細故不足云時來忽易失事
往良難分顧念凡近姿焉欲殊常勳亦以行則
是豈必素有聞千慮且猶失萬緒何其紛進士
苟非黨免相安得羣衆口金可鑠孤心前共夢
意忠仗朋信語勇同敗軍古劍徒有氣幽蘭祇

自薰高秩向所忝於義如浮雲

又

千載一遭遇往賢所至難問余奚為者無階忽
上搏明聖不世出翼亮非苟安崇高自有配孤
陋何足干遇恩一時來竊位三歲寒誰謂誠不
益知窮力亦殫雖至負乘寇初無挾術鑽浩蕩
出江湖翻覆如波瀾心傷不林樹自念獨飛翰
狗義在匹夫報恩猶一餐况乃山海澤效無毫
髮端內訟已慙沮積毀今摧殘胡為復惕息傷

鳥畏虛彈

隴右途中遭非語

負半千

趙有兩毛遂魯聞二曾參慈母有且惑况在行
路心冠冕無醜士賄賂成知己名利我所無清
濁誰見理敝服空庭春緩帶不着身出遊非懷
璧何憂乎忌人正須自保愛振衣出世塵

枉繫二首

沈佺期

吾憐曾家子昔有投杼疑吾憐周公旦非無鴟
鴞詩臣子竭忠孝君親惑讒欺萋菲離骨肉含

愁興此辭

又

昔日公冶長非罪遇縲紲聖人降兄子古來歎
獨絕我無毫髮瑕苦心懷冰雪今代多秀士誰
能繼明轍

被彈

沈佺期

知人昔不易舉非貴易失爾何按國章無罪見
呵叱平生守直道遂為衆所嫉少以文作吏手
不曾開律一旦法相持荒忙意如漆幼子雙囟

初唐詩集卷之三
三
園老夫一念室昆弟兩三人相次俱囚桎萬鍊
當衆怒千詢無片實庶以白黑讒顯此涇渭質
効吏何咆哮晨夜聞撲扶事間拾虛證理外存
枉筆懷痛不見申抱冤竟難悉窮囚多垢臆愁
坐饒蟣蝨三日唯一飯兩旬不再櫛是時盛夏
中曠赫多瘵疾瞪目眠欲閉喑鳴氣不出有風
自扶搖鼓蕩無倫匹安得吹浮雲令我見白日

觀大駕出敘事寄懷

見文苑英華

釋法輪

紫臺青漏竭青門曙鼓通輕霞照複道徐吹轉

相風玉鑾光萬騎金輿鬱五戎鳴笳猶度闕清
蹕尚喧宮雲旗亂陌紫羽旆雜塵紅百城歸北
麗兩漢久慙雄吾曹陋薄技餘慶洽微躬平原
已起洛印手亦還豐得奉衣冠盛仍觀書軌同
猶言待封告未忍向華嵩

遊仙四首

王績

暫出東陂路過訪北巖前蔡經新學道王烈舊
成仙駕鶴來無日乘龍去幾年三山銀作地八
洞玉爲天金精飛欲盡石髓溜應堅自悲生世

初唐詩集卷三
促無瑕待桑田

又

上月芝蘭徑中巖紫翠房金壺新練乳玉釜始
煎香六局黃公術三門赤帝方吹沙聊作鳥動
石試爲羊緱氏還程促瀛洲會日長誰知北巖
下延首詠霓裳

又

結衣尋野路負杖入山門道士言無宅仙人更
有村斜谿橫桂渚小徑入桃源玉牀塵稍冷金
爐火尚溫心疑遊北極望似陟西崑逆愁歸舊
里蕭條訪子孫

又

真經知那是仙骨定何爲許邁心長切稽康命
似竒桑踈金闕迴苔重石梁危照水然犀角遊
山費虎皮鳴桃聞已種龍竹未經騎爲向天仙
道棲遑君詎知

懷仙 并序

王勃

客有自幽山來者啓予以林壑之事而煙霞

在焉思解纓紱永詠山水神與道超跡爲形
滯故書其事焉

鶴岑有奇徑麟洲富仙家紫泉漱珠液玄巖列
丹葩常希披塵網眇然登雲車鸞情極霄漢鳳
想疲煙霞道存蓬瀛近意愜朝市賒無爲坐惆
悵虛此江上萃

忽夢遊仙

王勃

僕本江上客牽跡在方內寤寐霄漢間居然有
靈對翕爾登霞首依然躡雲背電策驅龍光煙
途儼鸞態乘月披金帔連星解瓊珮浮識俄易
歸真遊邈難再寥廓沈遐想周遑奉遺誨流俗
非我鄉何當釋塵昧

初唐彙詩卷第十三

四唐彙詩十三

初唐彙詩卷第十四

四唐彙詩十四

新都

吳勉學

采輯

江晏如

校次

五言古體

紀述感

感遇詩三十八首

陳子昂

微月生西海幽陽始代昇圓光正東滿陰魄已
朝凝太極生天地三元更廢興至精諒斯在三
五誰能徵

又

蘭若生春夏芊蔚何青青幽獨空林色朱徒冒
紫莖遲遲白日晚嫋嫋秋風生歲華盡搖落芳
意竟何成

又

蒼蒼丁零塞今古緬荒途亭堠何摧兀暴骨無
全軀黃沙幕南起白日隱天隅漢甲三十萬會
以事匈奴但見沙場死誰憐塞上孤

又

樂羊爲魏將食子殉軍功骨肉且相薄他人安
得忠吾聞中山相乃屬放麀翁狐獸猶不忍况
以奉君終

又

市人矜巧智於道重童蒙傾奪相夸侈不知身
所終曷見玄真子觀世玉壺中窅然遺天地乘
化入無窮

又

吾觀龍變化乃知至陽精石林何冥密幽洞無

留行古之得仙道信與元化并玄感非象識誰
能測淪冥世人拘目見酣酒笑丹經崑崙有瑤
樹安得采其英

又

白日每不歸青陽時暮矣茫茫吾何思林臥觀
無始衆芳委時晦鶉鳩悲鳴耳鴻荒古已頽誰
識巢居子

又

吾觀崑崙化日月淪洞冥精魄相交會天壤以

羅生仲尼推太極老聃貴窈冥西方金仙子崇
議乃無明空色皆寂滅緣業定何成名教信紛
籍歿生俱未停

又

聖人秘元命懼世亂其真如何嵩公輩譏譎誤
時人先天誠爲美階亂禍誰因長城備胡寇羸
禍發其親赤精旣迷漢子年何救秦去去桃李
花匆言歿如麻

又

深居觀元化
怍然爭朵頤
讒說相啖食
利害紛
凝凝便便夸
毗子榮耀更
相持務光讓
天下商賈競
刀錐已矣行
采芝萬世同
一時

又

吾愛鬼谷子
青谿無垢氛
囊括經世道
遺身在
白雲七雄方
龍鬪天下亂
無君浮榮不
足貴遵
養晦時文舒
可彌宇宙卷
之不足盈分
豈徒山木
壽空與麋鹿
羣

又

呦呦南山鹿
罹罟以媒和
招搖青桂樹
幽蠹亦
成科世情甘
近習榮耀紛
如何怨憎未
相復親
愛生禍羅瑤
臺傾巧笑玉
杯殞雙蛾誰
見枯城
葉青青成斧
柯

又

林居病時久
水木澹孤清
閒臥觀物化
悠悠念
無生青春時
萌達朱火已
滿盈徂落方
自此感
嘆何時平

又

臨岐泣世道天命良悠悠昔日殷王子玉馬遂
朝周寶鼎淪伊穀瑤臺成古丘西山傷遺老東
陵有故侯

又

貴人難得意賞愛在須臾莫以心如玉探他明
月珠昔稱天桃子今爲春市徒鳴鴉悲東國麋
鹿泣姑蘇誰見鳴夷子扁舟去五湖

又

聖人去已久公道緬良難蚩蚩夸毗子堯禹以

爲謾驕榮貴工巧勢利遞相于燕王尊樂毅分
國願同歡魯連讓齊爵遺組去邯鄲伊人信往
矣感激爲誰歎

又

幽居觀大運悠悠念羣生終古代興沒豪聖莫
能爭三季淪周聖七雄滅秦嬴復聞赤精子提
劍入咸京炎光旣無象晉魯復縱橫堯禹道已
昧昏虐勢方行豈無當世雄天道與胡兵咄咄
安可言時醉而未醒仲尼溺東魯伯陽遁西溟

大運自古來旅人胡歎哉

又

逶迤勢已久骨鯁道斯窮豈無感激者時俗頽
此風灌園何其鄙皎皎於陵中世道不相容嗟
嗟張長公

又

聖人不利已憂濟在元元黃屋非堯意瑤臺安
可論吾聞西方化清淨道彌敦奈何窮金玉雕
刻以爲尊雲構山林盡瑤圖珠翠頓鬼工尚未

可人力安能存夸愚適增累矜智道逾昏

又

玄天幽且默羣議曷蚩蚩聖人教猶在世運久
陵夷一繩將何繫憂醉不能持去去行采芝勿
爲塵所欺

又

蜻蛉遊天地與世本無患飛飛未能止黃雀來
相干穰侯富秦寵金石比交歡出入咸陽裏諸
侯莫敢言寧知山東客激怒秦王肝布衣取丞

永居真詩 卷十四
相千載為辛酸

又

微霜知歲宴斧柯始青青况乃金天夕浩露霑
羣英登山望宇宙白日已西暝雲海方蕩瀟孤
鱗安得寧

又

翡翠巢南海雄雌珠樹林何知美人意驕愛比
黃金殺身炎州裏委羽玉堂陰旖旎光首飾歲
蕤爛錦衾豈不在遐遠虞羅忽見尋歟材信為

累歎息此珍禽

又

挈瓶者誰子姣服當青春三五明月滿盈盈不
自珍高堂委金玉微纒懸千鈞如何負公鼎被
欬笑時人

又

玄蟬號白露茲歲已蹉跎羣物從大化孤英將
奈何瑤臺有青鳥遠食玉山禾崑崙見玄鳳豈
復虞雲羅

荒哉穆天子好與白雲期
宮女歎怨曠層城閉
蛾眉日耽瑤池樂豈傷桃李
時青苔空萎絕白
髮生羅幃

又

朝發宜都渚浩然思故鄉
故鄉不可見路隔巫
山陽巫山綵雲沒高丘
正微茫佇立望已久涕
落沾衣裳豈茲越鄉感
憶昔楚襄王朝雲無處
所荆國亦淪亾

又

昔日章華宴荆王樂荒
洛霓旌翠羽蓋射兕雲
夢林竭來高堂觀悵望
雲陽岑雄圖今何在黃
雀空哀吟

又

丁亥歲云暮西山事甲
兵羸糧匱道荷戟爭
羗城嚴冬陰風勁窮岫
泄雲生昏曠無晝夜羽
檄復相驚拳跼競萬仞
崩危走九冥籍籍峰壑
裏哀哀冰雪行聖人御
宇宙聞道泰階平肉食

謀何失藜藿緬縱橫

又

可憐瑤臺樹灼灼佳人姿
碧華映朱實攀折青
春時豈不盛光寵榮君白玉墀
但恨紅芳歇凋傷感所思

又

竭來豪遊子勢利禍之門
如何蘭膏歎感激自
生冤衆趨明所避時
棄道猶存雲淵既已失羅
網與誰論箕山有高節
湘水有清源唯應白鷗

身可爲洗心言

又

索居猶幾日炎夏忽然衰
陽彩皆陰翳親友盡
睽違登山望不見涕泣久
漣漉宿昔感顏色若
與白雲期世中驕愛子
驅逐正崑崙蜀山與楚
水携手在何時

又

合鼎合神丹世人將見欺
飛飛騎羊子胡乃在
蛾眉變化固非類芳菲能
幾時疲疴苦淪世憂

悔日浸淄眷然顧幽褐白雲空涕洟

又

朔風吹海樹蕭條邊已秋亭上誰家子哀哀明月樓自言幽燕客結髮事遠遊赤丸殺公吏白刃報私讐避讐至海上被役此邊州故鄉三千里遼水復悠悠每憤胡兵入常為漢國羞何知七十戰白首未封侯

又

本為貴公子平生實愛才感時思報國拔劍起

蒿萊西馳丁零塞北上禪雲臺登山見千里懷古心悠哉誰言未忘禍磨滅成塵埃

又

浩然坐何慕吾蜀有蛾眉念與楚狂子悠悠白雲期時哉悲不會涕泣久漣沍夢登綏山穴南采巫山芝採元觀羣化遺世從雲螭婉變時永矣感悟不見之

又

朝入雲中郡北望禪于臺胡秦何密邇沙朔氣

雄哉藉藉天驕子猖狂已復來塞垣無名將亭
堠空崔嵬咄嗟吾何歎邊人徒草萊

又

仲尼探元化幽鴻順陽和大運自盈縮春秋遞
來過盲飈忽號怒萬物相紛劇溟海皆震蕩孤
鳳其如何

感遇十二首

蘭葉春葳蕤桂華秋皎潔欣欣似生意自爾爲
佳節誰知林棲者聞風坐相悅草木有本心何

求美人折

又

幽林歸獨臥滯慮洗孤清持此謝高鳥因之傳
遠情日夕懷空意人誰感至精飛沈理自隔何
所慰吾誠

又

魚遊樂深池鳥棲欲高枝嗟爾蜉蝣羽薨薨亦
何爲有生豈不化所感奚若斯神理日微滅吾
心安得知浩蕩楊朱子徒然泣路岐

孤鴻海上來池潢不敢顧側見雙翠鳥巢在三
珠樹矯矯珍木巔得無金丸懼美服患人指高
明逼神惡今我遊冥冥戈者何所慕

又

吳越數千里夢寐今夕見形骸非我親衾枕卽
鄉縣化蝶猶不識川魚安可羨海上有仙山歸
期覺神變

又

西日下山隱北風乘夕流燕雀感昏旦簷楹呼
匹儔鴻鵠雖自遠哀音非所求貴人棄疵賤下
士嘗股憂衆情累外物恕已忘內修感嘆長如
此使我心悠悠

又

江南有丹橘經冬猶綠林豈伊地氣暖自有歲
寒心可以薦嘉客奈何阻重深運命惟所遇循
環不可尋徒言樹桃李此木豈無陰

又

永日徒離憂臨風懷蹇修美人何處所孤客空
悠悠青鳥跂不至朱鷺誰云浮夜分起躑躅時
逝曷淹留

又

抱影吟中夜誰聞此歎息美人適異方庭樹含
幽色白雲愁不見滄海飛無翼鳳凰一朝來竹
花斯可食

又

漢上有游女求思安可得袖中一札書欲寄雙

飛翼冥冥愁不見耿耿徒緘憶紫蘭秀空蹊皓
露奪幽色馨香歲欲晚感歎情何極白雲在南
山日暮長太息

又

我有異鄉憶宛在雲溶溶憑此目不覩要之心
所鐘但欲附高鳥安敢攀飛龍至精無感遇悲
惋填心曾歸來扣寂寞人願天豈從

又

閉門牘羣化憑林結所思嘯嘆此寒木疇昔迺

芳蕤朝陽鳳安在日暮蟬獨悲浩思極中夜深
嗟欲待誰所懷誠已矣既往不可追鼎食非吾
事雲仙嘗我期胡越方杳杳車馬何遲遲天壤
一何異幽嘿臥簾帷

古意六首

王績

幽人在何所紫巖有仙躅月下橫寶琴此外將
安欲材抽嶧山榦微點崑丘玉漆抱蛟龍脣綵
纏鳳凰足前彈廣陵罷後以明光續百金買一
聲千金傳一曲世無鍾子期誰知心所屬

又

竹生大夏谿蒼蒼富奇質綠葉吟風勁翠莖犯
霄密霜霰封其柯鷓鴣食其實寧知軒轅後更
有伶倫出刀斧俄見尋根株坐相失裁爲十二
管吹作雄雌律有用雖自傷無心復招疾不如
山上草離離保終吉

又

寶龜尺二寸由來宅深水浮游五湖內宛轉三
江裏何不深復深輕然至溱洧溱洧源流狹春

秋不濡軌漁人遞往還網罟相縈藟一朝失運
會剝腸血流歿豐骨輸廟堂鮮腴籍邊籩棄置
誰怨尤自我招此否餘靈寄明卜復來欽所履

又

松生北巖下由來人徑絕布葉捎雲煙插根擁
巖穴自言生得地獨負凌雲潔何時畏斤斧幾
度經霜雪風驚西北枝電隕東南節不知歲月
久稍覺枝幹折藤蘿上下碎枝幹縱橫裂行當
糜爛盡坐共灰塵滅寧關匠石顧豈爲王孫折

盛衰自有時聖賢未嘗屑寄言悠悠者無爲嗟
大耄

又

桂樹何蒼蒼秋來花更芳自言歲寒性不知露
與霜幽人重其德徙植臨前堂連拳八九樹偃
蹇二三行枝枝自相糾葉葉還相當去來雙鴻
鵠栖息兩鴛鴦榮蔭誠不厚斤斧亦勿傷赤心
許君時此意那可忘

又

彩鳳欲將歸提羅出郊訪羅張大澤已鳳入重
雲颺朝棲崑閬木夕飲蓬壺漲問鳳那遠飛賢
君坐相望鳳言荷深德微禽安足尚但使雛卵
全無令繒繳放皇臣力收舉帝樂簫韶暢自有
來巢時明年阿閣上

古意

邢象玉

家中酒新熟園裏葉初榮佇杯欲取醉悒然思
友生忽聞有奇客何姓復何名嗜酒陶彭澤能
琴阮步兵何須問寒暑徑共坐山亭舉袂祛啼

鳥揚巾掃落英心神無俗累歌詠有新聲新聲
是何曲滄浪之水清

雜詩四首

張說

抱薰心怕焦舉旆心怕搖天長地自久歡樂能
幾朝君看西陵樹歌舞爲誰嬌

又

山閒苦積雨木落悲時遽賞心凡幾人良辰在
何處觸石滿堂侈灑我終夕慮客鳥懷主人銜
花未能去剖珠貴分明琢玉思堅貞要君意如

此終始莫相輕

又

問子青霞意何事留朱軒自言心遠俗未始迹
辭喧過蒙良時幸側息吏途煩簪纓非宿好文
史棄前言夕臥北牕下夢歸南山園白雲慙幽
谷清風愧泉源十年茲賞廢佳期今復存掛冠
謝朝侶星駕別君門

又

默念羣疑起玄通百遽清初心滅陽艷復見湛

虛明悟滅心非盡求虛見後生應將無住法修
到不成名

雜詩五首

張九齡

孤桐亦胡爲百尺傍無枝疎陰不自覆修幹欲
何施高岡地復迴弱植風屢吹凡鳥已相噪鳳
凰安得知

又

蘿葛必有託風霜不能落酷在蘭將蕙甘從葵
與藿運命雖爲宰寒暑自迴薄悠悠天地間委

順無不樂

又

良辰不可遇心賞更蹉跎終日塊然坐有時勞
者歌庭前攬芳蕙江上託微波路遠無能達憂
情空復歎

又

湘水弔靈妃斑竹為情緒漢水訪游女解佩欲
誰與同心不可見異路空延佇浦上青楓林津
傍白沙渚行吟至落日坐望祗愁予神物亦豈

孤佳期竟何許

又

木直幾自寇石堅亦他攻何言為用薄而與火
膏同物類有固然誰能取徑通纖纖良田草靡
靡唯從風日夜沐甘澤春秋等芳叢生性苟不
天香臭誰為中道家貴至柔儒生何固窮終始
行一意無乃過愚公

擬古

崔融

飲馬臨濁河濁河深不測河水日東注河源迺

西極思君正如此誰爲生羽翼日夕大川陰雲
霞千里色所思在何處宛在機中織離夢當有
魂愁容定無力夙齡負奇志中夜三歎息拔劍
斬長榆彎弓射小棘班張固非擬衛霍行可卽
寄謝閨中人努力加飡食

擬古五首

徐彥伯

遙裔煙嶼鴻雙影旦相同交翰倚沙月和鳴美
江風茫若茂芳序君子從遠戎雲生陰海沒花
落春潭空紅浪掩促柱錦衾羅薰籠自傷瓊草

綠詎惜鉛粉紅裂帛附雙燕爲予向遼東

又

讀書三十載馳騫周六經儒衣甘時主忠策獻
闕庭一朝奉休眇從容厠羣英束身趨建章秉
筆坐承明解署相填噎僚吏紛縱橫五日休澣
時屠蘇繞玉屏橘花覆北沼桂樹交西榮樹棲
兩鴛鴦含春向我鳴皎潔綺羅豔便娟絲管清
擾擾天地間出處各有情何必巖石下枯槁閒
此生

又

顏光無淹晷逝水有迅流綠苔紛易歇紅顏不
再求歌吟當及春無令壯志秋弱年仕關輔簪
門豁御溝敷愉東城際婉變南陌頭荷花嬌綠
水楊葉暖青樓中有綺羅人可憐名莫愁畫屏
繞金膝珠簾懸玉鈎纖指調寶琴泠泠哀且柔
贈君鴛鴦帶因以鷓鴣裘牕曉吟日坐閨夕秉
燭遊無作北門客咄咄懷百憂

相州山池作

張說

嘗懷謝公詠山水陶嘉月及此年事衰徒看衆
花發觀魚樂何在聽鳥情都歇星漢流不停蓬
萊去難越鄴中秋麥秀淇上春雲沒日見塵物
空如何靜心闕

夜坐

張說

懷哉四壁時未有三都價百金誰見許斗酒難
爲蕢落花生芳春孤月皎清夜復逢利交客題
戶遙相謝

夏彈琴

見初學記一作劉希夷詩

劉希戩

初唐彙詩 卷十四
碧山本岑寂素琴何清幽彈爲風入松崖谷颯
已秋庭鶴舞白雪泉魚躍洪流予欲娛世人明
月難暗投感歎未終曲泪下不可收嗚呼鍾子
期零落歸荒丘從而若有知竟兮從我遊

冬日見牧牛人擔青草歸 張說

塞上綿應折江南草可結欲持梅嶺花遠競榆
關雪日月無他照山川何頓別苟齊兩地心天
問將安說

初唐彙詩卷第十四終

四唐彙詩十四

